

**RREGULLAT E FONDIT TE INVESTIMIT
RAIFFEISEN PRESTIGJ**

Neni 1

Objekti i rregullave te Fondit

- 1.1 Rregullat e Fondit rregullojne kushtet e veprimtarise se Fondit te Investimit Raiffeisen PRESTIGJ (ne vijim referuar si “*Fondi*”, nje siper marrje investimesh kolektive me oferte publike, i themeluar nga Raiffeisen Invest- Shoqeri Administruese e Fondeve te Pensionit dhe Siper marrjeve te Investimeve Kolektive, si dhe marrdheniet ligjore ndermjet Raiffeisen INVEST sh.a (ne vijim referuar si “*Shoqeria Administruese*”) si dhe kuota mbajtesve ne Fond (ne vijim referuar si “*Investitoret*”)
- 1.2 Rregullat e fondit nuk permbajne detyrimisht te gjithe informacionin dhe te dhenat te paraqitur ne prospekt. Investitoret keshillohen te studjojne te gjithe permbajtjen e prospektit.

Neni 2

Krijimi dhe kohezgjatja e Fondit

- 2.1 Fondi eshte krijuar per nje afat te pacaktuar dhe fillon veprimtarine e tij me 1 Shkurt 2012.
- 2.2 Prospekti i Fondit eshte miratuar nga Keshilli i Administrimit te Shoqerise Administruese si dhe eshte miratuar nga AMF me vendimin nr. 180, date 13/12/2011.

Neni 3

Objekti i veprimtarise se Fondit

Objekti i veprimtarise se Fondit eshte grumbullimi i aseteteve monetare ose te ngjashme nepermjet ofertes publike te kuotave ne Fond, te cilat investohen sipas parimit te diversifikimit te rreziqeve ne perputhje me prospektin dhe investitoret kane te drejten te marrin pjese proporcionalisht ne fitimet e fondit, si dhe te kerkojne ne cdo kohe shlyerjen e kuotave te tyre, sipas dispozitave te Ligjit nr. 10198, date 10.12.2009 "Per siper marrjet e investimeve kolektive" (ne vijim "Ligji") si dhe Prospektit.

Neni 4

Pjesemarrja ne Fond

- 4.1 Cdo person mund te bleje kuota ne Fond, duke hyre ne nje marredhenie ligjore, me Shoqërinë Administruese.
- 4.2 Shoqëria Administruese llogarit dhe publikon cdo dite vleren e kuotes. Llogaritja e vleres neto te aseteteve dhe cmimit te kuotes i nënshtrohet kontrollit dhe verifikimit nga Depozitari, i cili është përgjegjës për saktësinë e llogaritjes.
- 4.2 Cdo investitor nenshkruan formularin standart te aplikimit, duke konfirmuar se eshte njohur dhe ka rene dakord me kushtet e percaktuara ne prospektin e Fondit si dhe Rregullat e Fondit.

Neni 5

Investimi i aseteteve

Asetet e Fondit do te investohen kryesisht ne letra me vlere te emetuara dhe garantuara nga Qeveria e RSH , ne perputhje me politiken e investimit te percaktuar ne prospekt.

Neni 6

Te drejtat dhe pergjegjesite e investitoreve ne Fond

- 6.1 Investitoret ne Fond kane te drejtat e meposhtme:

- a) Te kene pronesine e kuotave dhe te pajisen me certifikaten e pronesise;
 - b) Mund te terheqin fitimin nepermjet shitjes se plote ose te pjesshme te kuotave;
 - c) Te marrin pjese ne fitimet e Fondit, proporcionalisht me pjesemarrjen ne te ;
 - d) Te informohen periodikisht (raporte vjetore, gjashte mujore etj) ;
 - e) Te kerkojne shitjen e pjesshme apo te plote te kuotave ne cdo kohe;
 - f) Te kerkojne transferimin ne nje tjetër sipermarrje investimesh kolektive;
 - g) Ne rast falimenti te shoqerise administruese, asetet e tyre te jene objekt i se drejtes se vecimit.
- 6.2 Investitoret jane pergjegjes per detyrimet e Fondit deri ne shumen e pjesemarrjes se tyre ne Fond.

Neni 7

Shlyerja e kuotave

- 7.1 Investitoret kane te drejte te kerkojne ne cdo kohe shlyerjen e kuotave të tyre.
- 7.2 Investitoret plotesojne nje kerkese per shlyerje te kuotave ne Fond.
- 7.3 Shlyerja e kuotave në Fond bëhet me çmimin e zbatueshëm në datën e mbërritjes se kerkeses se vlefshme per shlyerje ne Shoqerine Administruese, jo më vonë se 7 ditë kalendarike nga dita e mbërritjes se kerkeses.

Neni 8

Depozitari

- 8.1 Shoqëria Administruese ka lidhur një kontratë me First Investment Bank, Albania sh.a, me seli në adresën Bul. “Bajram Curri”, ETC, Tiranë, e cila në përputhje me ligjin nr. 10198, datë 10.12.2009 “Per sipermarrjet e investimeve kolektive”, do të ofrojë shërbimet e Depozitarit për asetet e Fondit.
- 8.2 Pjese perberese e rregullave te fondit eshte Deklarata e Kujdestarise e Depozitarit.

Neni 9

Kontabiliteti

Shoqeria Administruese pergatit pasqyrat financiare dhe raportet e tjera financiare ne perputhje me legjislacionin dhe standartet e pranuar te SNRF.

Neni 10

Auditimi

Shoqeria Administruese ben te mundur qe pasqyrat financiare te kontrollohen nga ekspertet kontabel te autorizuar te miratuar nga Autoriteti i Mbikeqyrjes Financiare.

Neni 11

Ruajtja e konfidencialitetit

11.1 Shoqeria Administruese dhe cdo punonjes trajton informacionin e klientit si shumë konfidencial.

11.2 Të gjithë personat, qofshin punonjes te Shoqerise, punonjes te Depozitarit, apo paleve te treta, jane pergjegjes për pasojat qe rrjedhin direkt nga veprimet e tyre dhe që kanë të bëjnë me keqperdorimin e informacionit konfidencial.

Neni 12

Detyrimet e Shoqerise Administruese

Shoqeria Administruese gjate administrimit te fondit ka detyrimet e meposhtme :

- a) te administroje Fondin në përputhje me objektivat e investimit te parashikuara ne prospekt;
- b) te bleje asetet, në emër dhe për llogari të Fondit , duke i depozituar ato te një depozitar i vetem;

- c) te organizoje shitjen e kuotave të Fondit sipas procedurave te percaktuara ne Ligj dhe prospekt;
- d) te shlyejë në kohën e duhur dhe në mënyrë të vazhdueshme të gjitha detyrimet monetare;
- e) te informoje periodikisht investitoret;
- f) te garantoje ruajtjen e fshehtësisë së të dhënave nen administrim.

Neni 13

Tarifat e Shoqerise Administruese

- 13.1 Shoqëria Administruese do të aplikojë vetem tarifen a administrimit, e cila do te jete 1.25% ne vit e vleres neto te aseteve te Fondit;
- 13.2 Çdo ndryshim i tarifave që do të aplikohet nga Shoqëria Administruese, do t'u njoftohet investitoreve te paktën 2 muaj përpara, sipas procedurave te percaktuara ne Ligj dhe prospektin e Fondit.

Neni 14

Miratimi dhe ndryshimi i Rregullave te Fondit

- 14.1 Rregullat e Fondit miratohen nga Keshilli i Administrimit te Shoqerise Administruese.
- 14.2 Rregullat e Fondit i bashkelidhen prospektit dhe perbejne pjese integrale te tij.
- 14.3 Ndryshimet dhe shtesat në rregullat e Fondit, do të miratohen nga Keshilli i Administrimit si dhe do te marrin miratimin e Autoritetit të Mbikqyrjes Financiare në perputhje me dispozitat e Ligjit.

Neni 15

Dispozita te Fondit

15.1 Çdo mosmarrëveshje që mund të lindë nga zbatimi apo interpretimi i ketyre rregullave, do te zgjidhet bazuar ne legjislacionin shqiptar, ku kompetente për zgjidhjen e mosmarrëveshjeve do të jetë Gjykata e Shkallës së Parë, Tiranë.

15.2 Rregullat e Fondit do te hyjne ne fuqi ne daten e miratimit nga Autoriteti i Mbikeqyrjes Financiare.